



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 216

DATUM: 1.04.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana ceremonija potpisivanja pisma namjere 13 JLS o pristupanju projektu "Jačanje uloge mjesnih zajednica u BiH"

Održan sastanak radne grupe načelnika u vezi sa Prednacrtom zakona o šumama

Potrebno iznalaženje rješenja za nove propise u turizmu i ugostiteljstvu

Održana regionalna konferencija "Vodne usluge – od izazova do mogućnosti"

Načelnik Općine Bosanski Petrovac Z. Hujčić: nelegalna sječa šume ugrožava egzistenciju općine

Komunikacijskom strategijom poboljšati komunikaciju između grada i javnosti

Svečano otvorena dvorana Grbavica

U sklopu projekta Lokalni dužnosnici u jugoistočnoj Evropi 35 polaznika uspješno završilo obuku za trenera

Održana svečana sjednica Općinskog vijeća Travnik

Javnosti predstavljen Kongresni Centar Sarajevo

Savez općina i gradova FBiH u medijima

Najava obilježavanja dana općina i gradova za mjesec mart/ ožujak

Bilten Saveza općina i gradova Federacije Bosne i Hercegovine

ODRŽANA CEREMONIJA POTPISIVANJA PISMA NAMJERE 13 JLS O PRISTUPANJU PROJEKTU "JAČANJE ULOGE MJESNIH ZAJEDNICA U BiH"



U zgradi Ujedinjenih nacija u Sarajevu, 29. marta/ožujka održana je ceremonija potpisivanja pisma namjere o saradnji Razvojnog programa Ujedinjenih nacija (UNDP) i 13 jedinica lokalne samouprave (JLS) koje su izabrane na osnovu prvog javnog poziva za učešće u projektu "Jačanje uloge mjesnih zajednica u BiH". Početkom 2017. godine biće izvršen dodatni izbor od najmanje sedam JLS koje će biti partneri u sklopu prve faze projekta.

Projekat u kojem učestvuje 120

mjesnih zajednica i 20 JLS, predstavlja zajedničku inicijativu Vlade Švedske i Vlade Švicarske, a provodi ga UNDP u BiH u saradnji sa Savezom općina i gradova Federacije Bosne i Hercegovine, Savezom opština i gradova Republike Srpske, Ministarstvom za ljudska prava i izbjeglice BiH, Ministarstvom pravde FBiH, Ministarstvom uprave i lokalne samouprave RS i Vladom Brčko Distrikt. Pismo namjere o pristupanju projektu potpisale su sljedeće općine iz Federacije BiH: Gračanica, Gradačac, Ključ, Sanski Most, Stari Grad Sarajevo, Tešanj i Žepče. Selekciju opština možete pogledati na bit.ly/1USz5UJ

Cilj projekta je da se potaknu građani da se više angažuju u općinskom odlučivanju, pružanju kvalitetnih komunalnih i socijalnih usluga i u provedbi lokalnih razvojnih inicijativa. Prva faza projekta „Jačanje uloge mjesnih zajednica u BiH“ koji podjednako sufinansiraju Vlade Švicarske i Švedske iznosi oko 14,3 miliona KM, a planirano je da se sprovede do sredine 2019. godine.

ODRŽAN SASTANAK RADNE GRUPE NAČELNIKA U VEZI SA PREDNACRTOM ZAKONA O ŠUMAMA

U prostorijama Saveza općina i gradova FBiH je, 30.04.2016.godine, održan sastanak Radne grupe načelnika u vezi sa Prednacrtom zakona o šumama koji je izradilo Federalno ministarstvo poljoprivrede, vodoprivrede i šumarstva.

Sastanku su prisustvovali načelnici općina: Avdija Kovačević (Vareš), Zlatko Hujčić (Bosanski Petrovac), Ibro Berilo (Trnovo), Jusuf Čavkunović (Kladanj), Harisa Bojić-Begić (zamjenica općinskog pravobranioca Olovo), Muhamed Pilav (predstavnik Udruženja poslodavaca FBiH i Udruženja proizvođača namještaja u FBiH i Vesna Travljanin, direktorica Saveza i Zlata Turkić, viši saradnik u Savezu.





Sastanak je sazvan u cilju pravovremenog uključivanja jedinica lokalne samouprave u rješavanje problema pitanja šuma u FBiH, na čemu Savez iscrpno radi već šest godina, od donošenja Presude Ustavnog suda FBiH od 14.04.2009. godine kojom je utvrđeno da je Zakonom o šumama povrijeđeno pravo općina na lokalnu samoupravu.

Na sastanku je istaknuto da ni ponuđeni Prednacrt ne može biti osnova za izradu Nacrta zakona o šumama. Zaključeno je da Savez općina i gradova FBiH traži od izradilo Federalnog ministarstva poljoprivrede, vodoprivrede i šumarstva hitno sazivanje Radne grupe za izradu Zakona o šumama formirane od Vlade FBiH, čiji član je i predstavnik Saveza općina i gradova FBiH.

POTREBNO IZNALAŽENJE RJEŠENJA ZA NOVE PROPISE U TURIZMU I UGOSTITELJSTVU



Federalna ministrica okoliša i turizma Edita Đapo je 23. marta/ ožujka u prostorijama ovog ministarstva održala sastanak s predstavnicima kantonalnih ministarstava nadležnih za oblast turizma, turističkih zajednica, Saveza općina i gradova Federacije BiH, Udruge turističkih agencija u BiH i Privredne komore Federacije BiH.

Predstavnike ovih organizacija upoznala je sa aktivnostima Federalnog ministarstva okoliša i turizma vezanim za izradu nacrta novog Zakona o turizmu

Federacije BiH i Nacrta zakona o boravišnoj taksi, koji će biti upućeni u javnu raspravu. U cilju poboljšanja ovih zakonskih rješenja, svi zainteresirani moći dati svoje prijedloge i sugestije.

Ministrica Đapo je istakla značaj zajedničkog rada na uređenju i unapređenju turizma u Federaciji BiH, kao jedne od najznačajnijih privrednih grana u državi, te pozvala sve zainteresirane da se aktivno uključe u iznalaženje optimalnih rješenja vezanih za nove propise iz oblasti turizma i ugostiteljstva - saopćeno je iz Federalnog ministarstva okoliša i turizma.

Ministrica Đapo je istakla značaj zajedničkog rada na uređenju i unapređenju turizma u Federaciji BiH, kao jedne od najznačajnijih privrednih grana u državi, te pozvala sve zainteresirane da se aktivno uključe u iznalaženje optimalnih rješenja vezanih za nove propise iz oblasti turizma i ugostiteljstva.

ODRŽANA REGIONALNA KONFERENCIJA "VODNE USLUGE - OD IZAZOVA DO MOGUĆNOSTI"

U Zenici je 30. marta/ ožujka održana regionalna konferencija pod nazivom "Vodne usluge - od izazova do mogućnosti". Cilj konferencija jeste promocija viših standarda kvaliteta i održivosti vodnih usluga, te potreba za izgradnju ljudskih i institucionalnih kapaciteta javnih vodovodnih preduzeća i jedinica lokalne samouprave, kao i potreba za uspostavljanjem boljeg podržavajućeg pravnog okvira za sektor vodnih usluga. Kroz prezentaciju primjera dobrih praksi i stečenih iskustva iz predhodnih programa postignuto je razumijevanje o načinu uključivanja i ulozi JVP, jedinica lokalnih samouprava i ostalih aktera u procesu njihove realizacije kao i o koristima i prednostima



uključivanja u međunarodne programe i projekte. Učesnici konferencije su se upoznali sa raspoloživim programima i projektima jačanja ljudskih i institucionalnih kapaciteta JVP i općina i gradova, koji se provode u okviru Dunavskog vodnog programa kao i programima Otvorenog regionalnog fonda za naredne tri godine. Zajednički su razmotrili i definisali ključne promjene neophodne za uspostavljanje boljeg zakonodavno-pravnog i institucionalnog okvira, kao i nastavka izgradnje ljudskih i institucionalnih kapaciteta u sektoru vodnih usluga.

NAČELNIK OPĆINE BOSANSKI PETROVAC Z. HUJIĆ: NELEGALNA SJEČA ŠUME UGROŽAVA EGZISTENCIJU OPĆINE



Grb Općine Bosanski Petrovac



Općina Bosanski Petrovac se zadnjih godina suočava sa velikim problemom nelegalne sječe šume, a samim tim i sa uništavanjem prirodnih izvora vode i posebno rijeke Sanice, rekao je za Agenciju ONASA općinski načelnik Zlatko Hujčić. "Od presude Ustavnog suda FBiH, radimo na elaboratu u kojem ćemo sa argumentima, statistikom i svim mogućim ostalim parametrima pokazati i dokazati koliko je, od 2009. godine kako je ukinut Zakon o šumama, Bosanski Petrovac oštećen i koliko se šuma nenamjenski

eksploatisala. Posebno, će se dokazati koliko je ova sirovina išla u pogrešne ruke, te koliko je bilo kriminalnih radnji. No, na tom aspektu sječe rade drugi organi, a za nas je bitno da mi elaboratom pokažemo kroz materijalne pokazatelje koliki je bio obim takve eksploatacije", rekao je Hujčić. Prije par dana općinu su posjetili federalni inspektori kako bi utvrdili koliko je bespravno uništeno šume i kolika je šteta nanesena. "Mi smo prije nekoliko godina uradili projekat za kontrolu izvorišta, gdje su tačno označene zone zabrane sječe, koji se nikada nije poštovao. Sada očekujem od federalnog ministarstva, odnosno, inspektora da mi pošalju ozbiljniji izvještaj od onog koji sam dobio. Naprosto je neprihvatljiv, jer ono što su mi poslali je praktično samo obavijest od nekoliko rečenica. Smatram da je ovaj problem jako ozbiljan i da ne može imati karakter obavijesti, to mora biti ozbiljniji akt sa tačno označenim lokacijama, gdje i kako, kao i mjerama na koji način da se zaustavi daljnja bespravna sječa šuma. Trenutno je situacija takva da nema nekih velikih pomaka. Ono što ćemo poduzimati je da ćemo i dalje insistirati na rješavanju problema, jer je to pitanje od egzistencijalnog značaja za ovu Općinu. Uz sve, a zbog ove devastacije, mi smo prošle godine morali dati 150.000 KM za struju za vanredno ispuštanje vode iz rijeke Sanice zbog smanjenog dotoka s izvorišta. Imali smo redovno vodu, ali je intervencija bila potrebna zbog bezočne sječe baš u blizini izvorišta", kazao je Hujčić.

KOMUNIKACIJSKOM STRATEGIJOM POBOLJŠATI KOMUNIKACIJU IZMEĐU GRADA I JAVNOSTI

Misija OSCE-a u Bosni i Hercegovini, u saradnji s Gradskom upravom Grada Mostara organizirala je 23. marta/ ožujka u Mostaru konsultacijski sastanak o izradi komunikacijske strategije Grada Mostara. Predstavnica OSCE-a Anita Soče Aničić na konsultacijskom sastanku o izradi komunikacijske strategije Grada Mostara kazala je kako bi Grad trebao biti predvodnik u procesu dvosmjerne komunikacije, odnosno da se građanima da prilika sudjelovati u radu Gradske uprave u projektnom smislu, a što bi trebala biti dugoročna praksa.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



"Materijal strategije bi trebao biti pretočen u Nacrt koji bi išao prema gradonačelniku i organizacijskim jedinicama Grada Mostara", kazao je predsjednik Povjerenstva za izradu strategije komunikacije Predrag Šupljeglav, dodajući kako će građanima i ciljanim javnostima na jedan način strategija biti dostupna i putem web stranice www.mostar.ba u smislu da mogu dati svoje mišljenje i sugestije. Strategiju bi potom trebalo usvojiti Gradsko vijeće, ono još nije konstituirano, to ne znači da se neki mehanizmi strategije neće primjenjivati, jer bi gradonačelnik trebao prihvatiti da se oni usvajaju putem akcijskog plana ili putem nekih drugih akata kojima će obvezati organizacijske jedinice Grada da primjenjuju mehanizme ove strategije. Strategijom je planirana izrada i potpuno nove web stranice Grada Mostara.

Radnom sastanku bili su prisutni i predstavnici NVO udruga, civilnog društva (CCI, LDA Vijeća mladih Grada Mostara, Gospodarske komore Grada Mostara i akademske zajednice.



Predstavnik OSCE-a Anita Soče Aničić kazala je kako bi Grad Mostar trebao biti predvodnik u procesu dvosmjerne komunikacije, odnosno da se građanima da prilika sudjelovati u radu Gradske uprave u projektnom smislu, a što bi trebala biti dugoročna praksa.

SVEČANO OTVORENA DVORANA GRBAVICA



Uz prisustvo brojnih zvaničnika i preko 2 000 građana u petak, 18. marta ove godine svečano je otvorena sportska dvorana na Grbavici, treća po veličini u Kantonu Sarajevo, a prva na području Općine Novo Sarajevo.

Svečanost otvorenja sportske dvorane svojim prisustvom uveličali su predstavnici svih nivoa vlasti u BiH, predstavnici diplomatskog kora, ugledne sportske ličnosti i sportska udruženja, zatim uvaženi gosti iz inostranstva, te

prijatelji, kao i brojni građani Sarajeva. Ova sportska dvorana, koja predstavlja najveću investiciju Općine Novo Sarajevo s razlogom je otvorena upravo na ovaj datum, 20. godišnjicu od reintegracije naselja Grbavica, kao poklon Općine svim građanima Grbavice, Novog Sarajeva i Kantona Sarajevo.

Izgradnja sportske dvorane počela je u septembru 2010. godine. Prva faza radova podrazumijevala je građevinsko-zanatske radove, u drugoj su okončani radovi na razvodu grubih instalacija, dok se treća faza odnosila na nabavku i montažu sportske i druge opreme za dvoranu. Dvorana ispunjava sve evropske standarde za dvoranske sportove, a osposobljena je i za organiziranje kulturnih i sajamskih sadržaja. Pored velike dvorane, objekat sadrži i podzemnu garažu, prostorije predviđene za kuglanu i streljanu, malu salu za stoni tenis i borilačke sportove, svlačionice i ostale pomoćne prostorije za sportiste, VIP lože, salu za fitness, kao i novinarske kabine i prostorije za upravu.

Svečanost otvorenja dvorane na Grbavici svojim izvedbama uveličali su Mladen Vojičić Tifa, Eldin Huseinbegović i Mirza Šoljanin, zatim poznati sarajevski horovi Pantominus i Chorus Cadenza, baletska grupa Lucca Dance, te hor novosarajevskih osnovnih škola koji broji 500 učenika. Nakon nastupa najmlađih učesnika, učenika osnovnih škola, Općinski načelnik Nedžad Koldžo i predsjedavajući Predsjedništva BiH Bakir Izetbegović svečano su proglasili dvoranu otvorenom, nakon čega je i upriličen vatromet.

Za kraj manifestacije ostavljena poslastica za sve ljubitelje košarke. Juniori KK Bosna i KK Sparsi odigrali su prvu utakmicu u sportskoj dvorani „Grbavica“, a općinski načelnik Nedžad Koldžo ovim gradskim košarkaškim klubovima uručio je zahvalnice za odigranu prvu utakmicu u dvorani.



Grb Općine Novo Sarajevo

U SKLOPU PROJEKTA LOKALNI DUŽNOSNICI JUGOISTOČNE EVROPE 35 POLAZNIKA USPJEŠNO ZAVRŠILO OBUKU TRENERA ZA TRENERE

Asocijacije lokalnih vlasti Makedonije, Hrvatske, Srbije i Bosne i Hercegovine sprovode projekat "Lokalni dužnosnici jugoistočne Evrope-Vodstvo za promjene (LLSEE)", čiji je cilj unapređenje upravljanja i liderskih kompetencija jedinica lokalne samouprave i isporučitelja vodnih usluga s posebnim naglaskom na poboljšanje lokalnih usluga i kapaciteta za korištenje međunarodnih fondova. Kroz



Projekt LLSEE razvijeno je 5 specifičnih treninga, za predstavnike lokalnih vlasti i isporučitelja vodnih usluga. U periodu od šest mjeseci 35 polaznika iz regiona je učestvovalo u program obuke trenera TOT. 23.-24. marta u Sarajevu ovi polaznici su imali finalnu radionicu koja je trebala da bude svojevrsna provjera kvaliteta. Ova radionica je dokazala da su moduli treninga dobro pripremljeni te da treneri imaju kapacitet i vještine za implementaciju kvalitetne obuke. Na lokalnom nivou treninzi će uskoro biti ponuđeni gradovima i općinama putem njihovih asocijacija, dok će regionalne treninge organizovati Mreža asocijacija lokalnih vlasti jugoistočne Evrope. U okviru priprema za organizaciju treninga na nivou FBiH, Savez općina i gradova Federacije BiH je izvršio prethodnu procjenu: a) statusa implementacije projekata u oblasti vodosnabdijevanja i odvodnje otpadnih voda i b) potreba općina za jačanje kapaciteta i specifičnim obukama iz oblasti komunalnih djelatnosti za uposlenike u općinama i javnim vodovodnim / komunalnim preduzećima iz Federacije BiH. Savez općina i gradova FBiH će organizovati dvodnevni trening za predstavnike jedinica lokalne samouprave i javnih vodovodnih/komunalnih preduzeća na temu „Efikasna organizacija i efikasno upravljanje komunalnim uslugama, planiranje i implementacija infrastrukturnih projekata“.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

ODRŽANA SVEČANA SJEDNICA OPĆINSKOG VIJEĆA TRAVNIK



U okviru obilježavanja tradicionalne manifestacije „Dani općine Travnik 2016“, koja traje od 18.03. do 27.03.2016. godine, u punoj sali Centra za kulturu Općine Travnik, 21. marta/ožujka održana je svečana sjednica Općinskog vijeća Travnik. Himnom Bosne i Hercegovine započeo je zvanični dio sjednice nakon čega je predsjedavajući Općinskog vijeća, Niko Grganović kratkim osvrtom podsjetio na uspjehe i ukazao na potrebe u narednom periodu. Načelnik Općine, Admir Hadžiemrić, u svom govoru podsjetio je na realizovane projekte i započete aktivnosti i

zahvalio svim učesnicima na doprinosu u obilježavanju ovog događaja. Svečanoj sjednici prisustvovao je, pored vijećnika Općinskog vijeća i veliki broj domaćih i stranih zvaničnika, predstavnika javnih ustanova i preduzeća, Saveza općina i gradova Federacije Bosne i Hercegovine koga je predstavljala direktorica Vesna Travljanin, zatim vjerskih zajednica i udruženja. S posebnim poštovanjem iz Općine Travnik naglašavaju prisustvo počasnog građanina Travnika, dr Zorić Damira i predstavnike prijateljskih gradova iz R. Hrvatske - Makarske i Grada Kastava, predstavnike turskih općina Pendik, Yalova, Izmit, Sincana i Keçiören i makedonskog grada Karpoša s kojim je Općina Travnik uspostavila partnerske odnose tokom održavanja međunarodnog sajma općina i gradova NEXPO 2011 koji se održao u Sarajevu. Prisutnima su se obratili premijer KSB/SBK, Tahir Lendo i počasni građanin dr Damir Zorić. Ispred turskih općina građanima Travnika čestitke su uputili predstavnici Izmita i Sincana. Ove godine prisutni su svjedočili i potpisivanju zvaničnog Sporazuma o bratimljenju sa makedonskom općinom Karpoš.



Grb Općine Travnik



JAVNOSTI PREDSTAVLJEN KONGRESNI CENTAR SARAJEVO



Na 36. redovnoj sjednici Općinskog vijeća Općine Novi Grad Sarajevo koja je održana 31. marta/ ožujka u multimedijalnoj sali Općine usvojen je Urbanistički projekat "Kongresni Centar Sarajeva", i javnosti predstavljen ovaj jedinstveni kapitalni projekat Općine Novi Grad Sarajevo.

Uz uvodno obraćanje općinskog načelnika mr. Semira Efendića, projekat je prezentirao Sakib Oković, arhitekta firme I.D.E.A., čije idejno rješenje je pobijedilo na međunarodnom takmičenju. Bilo je ovo prvo javno

prezentovanje u okviru kojeg je prikazana video prezentacija sa fotografijama. Prezentaciji su prisustvovali predstavnici Vlade Kantona Sarajevo, sa premijerom Elmedinom Konakovićem, javnih preduzeća koja su bila uključena u pripremu projekta, privrednici, predstavnici kuvačkih kompanija, koje su spremne za investiranje u izgradnju Kongresnog centra Sarajeva, poslanici u Skupštini Kantona Sarajevo, vijećnici Općinskog vijeća Novi Grad Sarajevo, sa predsjedavajućom Edinom Gabela i drugi gosti.

Vrijednost projekat izgradnje "Kongresnog centra Sarajeva" je oko 300 miliona KM. Radi se o do sada najvećem projektu Općine Novi Grad, koji je od velikog značaja za Kanton Sarajevo i državu BiH. Ovim projektom urbanistički se rješava centralna zona općine Novi Grad, a njegovim usvajanjem stekli su se uslovi za provođenje procedure odabira investitora, kao i izdavanje potrebnih dozvola za gradnju.

"Ovo je jedan od glavnih projekata našeg programa „Pokrenimo Novi Grad zajedno“, na čijoj realizaciji zajedno sa općinskom administracijom, radimo aktivno već četvrtu godinu. Želja nam je da izgradnjom ovog kompleksa, prije svega ovaj dio Sarajeva približimo Sarajlijama sadržajima kao što su centralni trg, kina, ipješačka zona. Također, naš cilj je da izgradnjom kongresnog centra uvrstimo Sarajevo na mapu kongresnih gradova Evrope, ali i svijeta. U zemljama gdje je kongresni turizam popularan, on već pokazuje višestruke ekonomske efekte, a sa jednim ovakvim kongresnim centrom Sarajevo će postati ozbiljna konkurencija na ovom tržištu. Zašto baš Sarajevo? Ovaj grad je dio svjetske kulturno – povijesne baštine, u srcu Evrope, i mjesto susreta različitosti. Orijeent i Oksident su se bukvalno pronašli u Sarajevu, i ponudili čitavom svijetu u ovom našem lijepom gradu jednu novu vrijednost – ljepotu u različitosti. Zato je Sarajevo zanimljivo i posebno", kazao je u svom obraćanju načelnik Efendić.

"Želja nam je da izgradnjom ovog kompleksa, prije svega ovaj dio Sarajeva približimo Sarajlijama sadržajima kao što su centralni trg, kina, ipješačka zona. Također, naš cilj je da izgradnjom kongresnog centra uvrstimo Sarajevo na mapu kongresnih gradova Evrope, ali i svijeta.", Semir Efendić.

SAVEZ OPĆINA I GRADOVA FEDERACIJE BIH U MEDIJIMA



Večernji list, 31. ožujak 2016.



Dnevni list, 28. ožujak 2016.



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



NAJAVA OBILJEŽAVANJA DANA OPĆINA I GRADOVA ZA MJESEC APRIL/ TRAVANJ

06. april/travanj - Dan Grada Sarajeva. Obilježava se kao sjećanje na oslobođenja grada 1945. godine.

06. april/travanj - Dan Općine Breza. To je dan oslobođenja Breze od fašista iz II. svjetskog rata 1945. godine.

12. april/travanj - Dan oslobođenja Zenice.

15. april/travanj - Dan Općine Kakanj. Radi se o prvom spominjanju imena Kakanj u pisanim izvorima. Na taj dan 1392. godine kralj Stjepan Dabiša darovao je vojvodi Hrvoju Vukčiću dva sela u okolini Kakanja. Općinsko vijeće Kakanj je 14. marta 1996. godine odlučilo da se 15. april proglasi Danom Općine Kakanj.

28. april/travanj - Dan Općine Vitez. Ovaj datum se obilježava kao dan Općine jer je tog dana 1952. godine Narodna skupština NRBiH donijela Zakon kojim je formirana Općina Vitez.



Kakanj



Vitez



Sarajevo



Breza



Zenica

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.